

欽定新疆識略

ル 5
1512
7



明
凡
1512
7



欽定新疆識畧卷六

屯務

伊犁屯田有兵屯有回屯有戶屯初無旗屯兵屯者綠營兵丁之屯回屯者回子之屯皆創自乾隆二十五年時初設兵駐守

高宗純皇帝以武定功成農政宜舉

特命辦事大臣阿桂專理屯田由阿克蘇率滿洲索倫驍騎五百名綠營兵百名回子三百名越木蘇爾達巴罕至伊犁鎮守辦事搜捕瑪哈沁招撫潰散之厄魯特卽以綠營兵築城回子乘時興屯開渠灌

概是為伊犁屯田之始二十六年至三十四年陸續由內地增調屯田兵至二千五百名五年更替五百名差操二千名屯種四十三年將軍伊勒圖奏准改為攜眷定額三千名以五百名差操二千五百名屯種分為二十五屯仍視倉儲之多寡隨時增減屯種此兵屯也回屯自阿克蘇原帶回子三百名於伊犁河南海努克之地分撥墾種次年調取伯克並由烏什葉爾羌和闐哈密吐魯番等處陸續增調回子至三十三年共有六千三百八十三戶內除彥齊回子彥齊者隨伯克品級給與服役之回子三百二

十三戶種地所收之麥為大小伯克及挖鐵回子十戶養贍口糧外

奏定種地回子六千戶分屯耕作於固勒札建寧遠城設阿奇木伯克管轄此回屯也戶屯者商民之屯創自乾隆二十八年至四十六年將軍明瑞等先後

奏明商民張子儀等三百三十三戶以無礙屯工之隙地請撥令開墾按例陞科永為土著此戶屯也以上兵回戶屯行之有年其來已久惟旗屯則前此所未有至嘉慶七年而始興先是乾隆二十九

欽定大清會典事例 卷一百一十五 年五十年五十五年疊次奉

旨以駐防官兵生齒日繁

諭令種地用資生計歷任將軍皆因灌溉乏水未及籌辦

嘉慶七年將軍松筠奉

命督飭所屬履勘地勢相度泉源

奏明於惠遠城東伊犁河北岸濬大渠一道逶迤數
十里引用河水灌田又於城西北覓得泉水設法
疏濬築堤岸開支渠引溉旗屯地畝又於城東北
就渠畔擇可種善地分授惠遠城官兵播種而以
前此綠營裁撤之屯授惠寧城八旗官兵均令聞

散餘丁代耕並雇人佃種永爲世業得

旨允行嗣又濬大渠一道與前所濬之渠通名通惠渠並
於其東阿齊烏蘇地方濬大渠引闢里沁山泉之
水灌田數萬畝此旗屯所由始也節次原奏及所
奉

諭旨詳載於左

兵屯 水利 附戶屯

乾隆二十五年辦事大臣阿桂奉

旨自阿克蘇帶領綠營兵一百名至伊犁墾闢屯田是年
又調綠營兵九百名共計一千名廣爲墾種至三

十四年陸續由內地增調屯田兵至二千五百名
五年更替以五百名差操二千名屯種

乾隆三十五年將軍伊勒圖

奏定屯田兵每名歲穫糧二十八分以上者該管官
員加倍議敘兵丁賞給兩月鹽菜銀兩十八分以
上者該管官員議敘兵丁賞給一月鹽菜銀兩十
五分者功過相抵

乾隆四十三年將軍伊勒圖

奏准所謂屯兵改爲攜眷定額三千名以五百名差
操二千五百名屯種分爲二十五屯每屯兵百名

每名種地二十畝所種各色雜糧於秋收後核計
收成分數仍視倉儲多寡隨時增減屯種

乾隆四十七年將軍伊勒圖以積貯糧石過多恐
致霉變

奏明於二十五屯內減撤十屯兵一千名操練技藝

乾隆五十四年將軍保寧因籌貯倉儲

奏准增添七屯

嘉慶四年將軍保寧以積貯糧石盈餘

奏准於二十二屯兵內裁撤四百名歸操

嘉慶九年將軍松筠

奏准按照舊例裁撤三屯以歸從前十五屯之數屯種限定五年為滿照前加種

嘉慶十年將軍松筠以惠遠城滿營支放烏鎗步甲應需口糧皆係歷年積貯斛面餘糧至嘉慶八年舊存糧石盡數放完不得不於正項糧內動用支發等因

奏明於裁撤綠營水磨兵丁分撥各屯加給籽種耕種自十一年為始每年添交小麥一千六百石

嘉慶十三年將軍松筠

奏明前撤三屯五年限滿於十四年加種三屯

嘉慶十九年將軍松筠以前種屯地十八屯現屆復應加屯

奏准自二十年為始每年加種兩屯

所有屯田地畝皆係輪年歇種每屯兵百名每年應領籽種一百一十石秋成後視其收穫分數交納每屯十八分至二十八分不等其十八分者交納各色細糧一千八百石有零細數詳見庫儲門

右兵屯

一商民張子儀等三十二戶自乾隆二十八年

共報墾麥地三萬九千六百一十八畝六分每畝徵銀五分每歲共計徵銀一千九百八十兩九錢三分

一商民張尙義等二百戶自乾隆二十八年起共報墾蔬地稻田一萬六百六十八畝六分每畝徵租銀一錢每歲共計徵租銀一千零六十六兩八錢六分

一戶民莊世福等四十八戶乾隆三十七年入屯田戶籍共種地一千四百四十畝每畝徵租銀五分每歲共計徵銀七十二兩

一戶民張成印等二十三戶乾隆三十九年入屯田戶籍共種地六百九十畝每畝徵租銀五分每歲共計徵銀三十四兩五錢

一戶民王已興等三十戶乾隆四十六年入屯田戶籍共種地九百畝每畝徵租銀五分每歲共計徵銀四十五兩

一綠營眷兵分戶子弟任世才等一百一十四戶乾隆四十五年

奏准每戶撥給地三十畝共種地三千四百二十畝每畝額交細糧小麥八升每歲共計額交細糧小

麥二百七十三石六斗

一種地爲民遺犯陸續增減不等現在二百八十八名每名種地十二畝每畝額交細糧八升每名合交細糧九斗六升共交細糧二百七十六石四斗八升

右戶屯

綏定城屯鎮中營屯田引用烏哈爾里克山泉並小蘆草溝泉水上游分溉喇嘛寺溝遺屯民地綏定城屯鎮中營官屯地畝並城南戶民地畝水泉子一帶滿營五旗地畝及戶民園地旗下園地入

惠遠城街衢適用

中營官屯又兼引用左營四屯遺水及泉水灌溉餘水流歸磨河渠其磨河上游本有山泉由塔勒奇城西北濬渠環繞城南折東而又南引泉水灌溉正紅鑲紅兩旗屯地並本城官兵新墾地畝是爲西地

屯鎮左營大蘆草溝屯田在綏定城西北該管官屯引用果子溝卽塔勒奇溝泉水龍口分水一支引溉屯地外餘水流歸中營屯地又自龍口分水一支引溉左營頭屯地畝餘水流歸塔勒奇屯

左營又引大東溝水灌溉屯地外餘水流歸塔勒奇屯

左營又引小西溝水灌溉屯地外餘水流歸塔勒奇屯

屯鎮右營清水河屯田在左營之西該營官屯用大西溝泉水自龍口分水一渠另濬水泉一道引溉屯地外餘水流入頭道河又自龍口分水一渠引溉屯地外餘水流入二道河
右營又用察罕烏蘇溝泉水自龍口分水一渠引溉屯地外餘水流入三道河又自龍口分水一渠

引溉屯地外餘水流入三道河

屯鎮塔勒奇營屯田在綏定城之西微北該營官屯引用左營各屯遺水並引泉水灌溉

塔勒奇營稻屯引用磨河渠水灌溉餘水退入磨河下游草湖自湖東岸引灌遺屯地畝亦謂之西地

屯鎮霍爾果斯營屯田引用霍爾果斯河水並滾壩溝泉水分溉兼用索倫屯地餘水灌溉所有餘水統歸三道河

屯鎮巴彥岱營屯田在惠寧城東南該營官屯引

用闢里沁溝泉水自龍口分水濬渠二道引溉該營官屯地畝並惠寧城旗屯民人圍地又於巴彥岱屯渠分開一渠引溉惠遠城旗屯阿齊烏蘇地畝

阿里瑪圖溝泉水在闢里沁之西分引灌溉惠寧城旗屯地畝餘水由七里溝新渠引溉惠遠城之阿齊烏蘇旗屯

右兵屯水利

旗屯

水利 附錫伯等營水利

乾隆二十九年欽奉

高宗純皇帝諭旨伊犁田土肥潤如敷多人耕作莫若令滿洲官兵分種既得勤於力農而於養贍家口餽養馬匹均屬有益著交明瑞查明地畝俟滿兵到齊住定後酌量分給耕種欽此當經將軍明瑞議以附近伊犁二百里以內劃為旗地俟官兵到齊再為妥議辦理未久調任後經將軍阿桂接辦未久亦調任乾隆五十年將軍奎林奏報種地遣犯所交米穀之數奉

旨現在伊犁既有此項種地規模如耕種人多立定室家實於地方有益該處地廣可耕田畝甚多但係引水灌

溉除遣犯所種地畝外是否尚有餘水可引爲添墾地畝之用著奎林察看情形據實具奏欽此乾隆五十五年將軍保寧奏請增添步甲錢糧等事奉

旨伊犁滿兵駐防年久生齒日繁自應予以養贍之資但國家錢糧原有定數不容屢議增加此次保寧所奏四百名步甲錢糧暫准其增添外嗣後不得再請增給若果因伊等人口衆多錢糧有限不得養贍伊犁地方現有可耕之地甚屬寬廣滿洲兵丁卽不諳耕作自可酌按名數分給伊等地畝令其雇人耕種卽以取得租息養贍用資生計著傳諭保寧令其盡心籌畫務期久遠

遵行奏聞辦理欽此案查當時總因灌溉乏水是以歷

任將軍未及遵辦嘉慶七年將軍松筠

奏言現在八旗生齒日繁因採近水可種之田於本年四月間奏明由惠遠惠寧兩滿城酌派閒散三百六十名分地試種雖爲時稍遲秋收通計尙獲十分有餘是旗人種地已有成效自應廣行汲引以利屯墾而資養贍因於秋間酌派委員於惠遠城東相度地勢自伊犁河北岸濬開大渠一道逶迤數十里儘可引用河水又於城之西北覓得泉水甚旺設法另開渠道以資灌溉新春修築堤岸

廣開支渠一俟工程完竣春水暢流計可澆灌地畝甚廣卽於渠畔揀擇好地分給惠遠城八旗耕種其惠寧城八旗係於該城就近從前綠營裁撤屯地耕種原有渠水足資灌溉兩城種地所需器具等項酌交各協領於伊等公設官舖息銀內動用三五年內卽可全行歸還惟種地必須牛力因思伊犁綠營屯田每屯例給馬牛每年例斃分數按例由廠撥補旗人種地事同一律且官廠孳生牛隻一萬有餘其餘存廠備差牛隻除照例撥補各項外尙有常年牧放牛四千餘隻旣無需用徒

滋倒斃仰懇

皇上恩准於官廠內賞借惠遠城八旗每旗牛八十隻惠寧城八旗每旗牛四十隻俾得藉資耕作種地旣多產糧必廣儻有例斃無庸撥補均著落各該旗自行買補以示限制如蒙

恩允本年種地旣經有效卽責成各該旗協領一律妥辦庶邊地駐防兵農兼習於數載後生計自能日裕雖億萬年生齒繁富亦無庸於經費之外另議增餉奉

上諭松筠奏請賞借伊犁駐防滿兵耕種器具牛隻一摺

所辦甚是伊犁土田肥潤可耕之地甚廣向因灌溉乏水未經籌辦今該將軍設法疏渠引泉以資汲沃上年耕種業經試有成效自應廣益耕屯俾滿兵生計日臻充裕所需器具等項准其於公設官鋪息銀內動用製備按限歸款其應用牛隻卽照所請於官廠內賞借惠遠城八旗每旗牛八十隻惠寧城八旗每旗牛四十隻該將軍卽責成各該協領督率駐防官兵盡心耕作以收兵農並習屯守兼資之效欽此嘉慶九年將軍松筠奏言上年仰蒙

皇上恩賞耕牛試種之初因八旗閒散耕耘未諳故令公

同夥種以便教習兩年以來熟習者已有數百人若仍令其夥種將所獲糧石分贍八旗未免視爲官產久而生懈應照錫伯營八旗屯種之制按名分給地畝各令自耕自食某人耕者卽爲某人世產查錫伯營向無官給口糧米麪均係自耕自食現在生計有資迴無兩滿營拮据之況滿營旗人意以地如種成將來必有奏請裁汰口糧者因此相習趨起今再三開導乃皆欣然領地耕作是以據實奏

聞以開羣惑兩年以來屯所所蓋房間足資栖止自明年

爲始於惠遠惠寧兩滿城熟習耕種之人內先行酌撥數百名另派年長妥實領催馬甲委以催總按旗約束量其力作多寡每名分地三四十畝仍派妥員督率耕種永爲已產再查協領每月例支口糧米麪二百六十餘觔佐領防禦以下等官以及前鋒領催馬甲每月每員名例支口糧米麪一百四十餘觔多有不敷養贍此內情願令其閒散親屬子姪分地耕作者應請一體撥給地畝各家永爲世產所有自行耕種之人仰懇

鴻慈於倉存餘糧內

賞借明年籽種口糧分作三年秋成後還倉兩城餘地甚廣所有稻田每年照舊耕種不過數年一切工本概可歸還彼時陸續所獲餘利儘可贍給貧乏俟耕種數年饒裕之後應仿照錫伯之例八旗各設公倉一座每年量其所能交糧若干用資生計今通盤籌畫惠遠城官兵需地八萬畝惠寧城官兵需地四萬畝克資久遠養贍徧行踏勘可耕之地儘有仰荷

聖主洪施伊犁駐防世僕數年後庶可均沾實惠以收屯守兼資之效奉

硃批軍機大臣會同大學士保寧議奏欽此嗣奉

諭旨本日軍機大臣會同保寧議覆松筠陳請酌定分給八旗滿洲田畝永爲世業章程一摺伊犁駐防滿洲兵丁生齒日繁松筠相度屯地疏濬泉源按名分給地畝係爲旗人生計起見其事本屬可行惟新疆重地武備最爲緊要此項地畝祇可專交閒散餘丁代爲耕種不當令官兵親身力作有方操練此事惟在該將軍妥協經理既使旗人有田可耕而於新疆重鎮設兵防守事宜無少窒礙方爲盡善等因欽此遵辦以來嘉慶十七年將軍晉昌

奏言伊犁屯田事宜應略爲變通一摺奉

旨軍機大臣會同松筠議奏欽此當經軍機大臣等議覆據該將軍奏稱伊犁滿營種植雜糧田畝有已分未分二項其已分一項田二萬四千畝係前任將軍松筠酌撥離城較近者分授八旗每旗三千畝責成各協領佐領派人分種每年將所得之糧由各旗自行分贍鰥寡孤獨及貧乏各戶由將軍衙門查核辦理已閱數年每年各有實效其未分一項四萬畝離城畧遠係每年專派協領職銜之佐領蘇勒芳阿烏勒登布督率八旗閒散通力合作

每年於四萬畝內種植一半緩歇一半人力不敷添雇回子遣犯所得之糧總儲一處年終分給八旗添補養贍鰥寡孤獨及貧乏各戶此項未分田畝在二三年前冬雪多而春寒久雪徐消而水常足原可大有利益近來伊犁冬雪畧少而春暖常早山中積雪春日已消十分之五種植之初用水不多至夏間用水漸多而山中積雪已少此項未分田畝地勢遞高得水不能充足二三年來計其所得餘糧竟不能與八旗已分田畝相等臣悉心籌畫松筠所辦已分之田各旗視爲已業既免畛

域之見八旗比較成效復收激勵之功章程實爲妥善臣愚昧之見擬將此項未分田畝亦照松筠所辦章程作爲分授田畝將每年必不能得水之田竟行刪除免致驚廣而荒其可期得水之田分爲八分添入八旗已分田畝項下均令各旗自督閒散耕種以專責成計刪去不能得水之田尙可得田二萬餘畝連前已分一項計共分給八旗種植雜糧田四萬餘畝此內除照伊犁種地舊規每年停歇一半以緩地力外再有人力不敷不能全種之田請令各旗佃人耕種計畝收租無庸再行

添雇回子遣犯每年所得餘糧地租應如何分贍各旗鰥寡孤獨及各貧戶之處督令衆協領等秉公辦理實力稽查務期無濫無遺永安樂利是否有當伏乞

聖裁至滿營種植稻米田禾上年收成亦在二十分以上嗣後仍照松筠辦定章程辦理深有實濟等語臣等查伊犁屯田事宜自乾隆二十九年卽欽奉

高宗純皇帝諭旨以該處土田肥美莫如今滿洲官兵分種既得勤於力農而於養贍家口餽養馬匹均屬有益著查明地畝酌量分給等因嗣又節次欽奉

諭旨籌畫因一時渠水未能辦就總未墾種迨至嘉慶七年屯田試行有效奏奉

皇上恩允臣松筠欽遵辦理當於附近惠遠惠寧兩滿城酌量開渠田疇日闢所有一切籽種牛隻又節次奏蒙

聖恩賞借次第經理駐防餘丁兵農交習屯守兼資洵於生計有益但邊防重務必須隨時講求方足以資經久今據晉昌奏該處滿營種植雜糧地畝除已分授八旗田二萬四千畝歷年均有實效外其未分之田四萬畝緣近來冬雪較少而春暖又早易

欽定大清會典事例 卷六
於消化值夏田需水之時不能接濟以致收穫有限且此項田畝係八旗公種之田與分授八旗視為已業者不無畛域之見請於此內刪去不能得水之田將其餘二萬畝仍一併分給八旗自行管業如人力不敷不能全種准其個人耕種計畝收租_臣等查此項八旗公種地畝為數較多近年以來有因雪水短少灌溉不能周徧者該將軍諒係目擊情形奏

聞酌辦但係業經開墾成熟之田設將來雪水寬餘之年仍可資其美利是此項地畝祇可暫時歇種亦不

便徑置廢棄應令該將軍隨時察看情形留心經理至於可以得水之田二萬餘畝若仍令八旗通力合作伊等視公產不如私業或有勤惰不齊轉不足以收實效自應照該將軍所請將此項田二萬餘畝按數分給八旗添入已分田畝項下俾各專心耕種永為世業至該將軍所稱個人耕種按畝收租無庸添雇回子遣犯一節_臣等竊思駐防八旗閒散餘丁甚多此項餘丁素無執業有終身不能挑補錢糧者今令其習勤耕作既敷養贍又免游惰正教養兼施之道若如晉昌所奏令其佃

人耕種按畝收租恐滋流弊緣田畝一經佃出可以安坐收租在旗人不勞而獲罔識艱苦既難免習於游蕩而田畝佃於他人恐不免影射典賣輾轉易手日久膠羈不能清理該處本無土著祇係發遣年滿爲民之人一經佃種之後此項膏腴之產利歸若輩而旗人生計依然竭蹶實非

聖主惠養駐防旗僕之意臣等公同籌議嗣後責令八旗餘丁自行耕種不准佃人耕種方足以永資樂利如有違禁租佃以及私買私賣將該旗人及典買之民人一體嚴行治罪田畝入官另給別戶勤於

耕作之人以示懲勸至於回子遣犯當日原因旗人未諳耕作是以雇令幫種今數年來旗人皆已諳習毋庸再爲傭雇幫種自應如該將軍所議辦理再臣松筠前在伊犁見此項公種之田毗連伊犁河北岸附近蘆柴兼可捕魚相離惠遠城不過三十餘里嘉慶十四年於現任將軍晉昌未到之先臣松筠傳集閒散壯丁二百名每名日給麩二觔銀四分在於公地之南繪圖築堡穿井彼時堡雖築成房間尙未蓋造堡內議住閒散壯丁百戶每戶蓋房三間院牆周環四十丈每戶壯丁授田

三四十畝酌種穀麥兼植蔬果即可餬口而按照駐防錫伯之制養雞畜豚其於生計大有裨益臣松筠原議該處先爲築堡四座每堡蓋房百所陸續共可移駐閒散壯丁四百戶每所院牆周圍四十丈甚爲寬濶各有餘力養其親族添蓋房間以資棲止其餘各佐領老弱俱可按堡畜豚獲利養生而協領以下等官各於本旗屯堡畜豚以供各本家祭祀及紅白事應用可期生計更資充裕如此辦理在城在屯旗人俱可兩有裨益並可三時務農冬時操演鳥鎗弓箭亦與寓兵於農之意相

符所有前項辦法於將軍晉昌到任之際臣松筠並未立案交代實屬踈畧至分年築堡蓋房等費亦屬有項可支查定例惠遠城四千官兵每年自四月至九月六箇月每官兵一名每月分領口食羊一隻領羊之月官扣應得白麩十五觔惟口食羊隻係由察哈爾厄魯特游牧官兵原領孳生羊內撥給年久苦累不能交羊卽有能交到者俱係小羊每隻不過值銀一二錢是以

奏明各從其便每羊一隻折交銀三錢每年約共得銀八千餘兩若按名每月給領銀三錢官兵不無

任意花費因有公種稻田每年約收一萬餘石每兵每月應得羊價銀三錢折給稻米三十觔亦於旗人生計有裨所有羊價八千餘兩每年除種稻田使用不過三千餘兩其餘四千餘兩儘可爲築堡蓋房應用至於屯堡蓋造房間尙有

奏明抽收山場木植辦理尤屬易易可否

敕下該將軍仍令旗人分年築堡設屯約束自行耕種並令仿照錫伯之制勤於養雞畜豚以期永資樂利

奉

旨慶桂會同松筠議覆伊犁將軍晉昌酌定屯田事宜一

摺該處從前八旗公種之田仍令其通力合作伊等視公產不如私業勤惰不齊不足以專責成自應將此項田二萬餘畝分給八旗俾各專心耕種永資樂利其原奏所稱如有人力不敷准其佃人耕種計畝收租一節日久恐滋流弊應如慶桂等所議責令八旗間散餘丁自行耕種旣敷養贍又免游惰於駐防旗人教養之道大有裨益至松筠另片所奏伊前在伊犁將軍任內曾於伊犁河北岸附近地方築堡造屋移駐閒散壯丁按堡授田教之樹畜並令三時務農冬時操演所辦已將次第舉行費用亦有款可支無須另給松筠在彼年久

熟悉情形現在該處自有原派承辦員弁著晉昌遵照所定章程認真妥辦以收實效欽此將軍晉昌竭力遵辦總因乏水灌溉辦理旗屯尙未就緒十九年將軍松筠莅任後查明八旗舊分屯地盡已租給民人公中稻田麥田閒多廢弛因復修渠濬泉克資灌溉於二十年復令八旗如前耕作漸復舊制欽遵十七年所奉

諭旨酌定章程自可永資世守矣

右旗屯

惠遠城東南紅柳灣一帶旗屯引用稻屯渠水灌

溉分授鑲白旗五佐領耕種

惠遠城東北沿山一帶旗屯引用烏哈爾里克泉水灌溉分授正黃旗五佐領耕種

惠遠城東北水泉子一帶旗屯引用烏哈爾里克泉水灌溉分授正藍旗五佐領耕種

惠遠城新北屯旗地引用烏哈爾里克泉水灌溉分授鑲黃旗五佐領耕種

惠遠城東通惠渠迤北一帶旗屯引用烏哈爾里克泉水灌溉兼用稻田北渠餘水分授正白旗五

佐領耕種

惠遠城東分水閘迤北一帶旗屯引用烏哈爾里
克泉水灌溉分授鑲藍旗五佐領耕種

惠遠城西北一棵樹西南西北一帶旗屯以塔勒
奇城北泉水製做橙槽引用灌溉分授正紅鑲紅
兩旗十佐領耕種其內鑲紅旗第三佐領地畝兼
用烏哈爾里克渠水

惠遠城東旗屯稻田引用通惠渠伊犁河水灌溉
為八旗公田此項收穫米石用抵羊隻口食每年
分散官兵擲節羊隻價銀酌給種地
壯丁鹽菜月銀其有
盈餘分贍旗下貧乏

惠遠城稻田迤東七里溝即阿齊烏蘇旗屯引用

闕里沁新開渠水灌溉為八旗公田此地墾種成
熟已令築堡

蓋房派令不能挑甲之間散壯丁居住分授地
畝自耕自食養雞畜豚一如錫伯永資生計

惠遠城西北韋湖新開渠水引灌船工處遣屯地
畝

惠寧城東旗屯引用闕里沁新開渠水灌溉分授

正黃正紅兩旗四佐領耕種

惠寧城東旗屯引用闕里沁新開渠水灌溉分授

鑲黃正白兩旗四佐領耕種

惠寧城東旗屯引用闕里沁新開渠水灌溉分授

鑲紅鑲藍兩旗四佐領耕種

惠寧城北旗屯引用磨霍圖泉水灌溉分授鑲白正藍兩旗四佐領耕種

惠寧城西北旗屯引用東阿里瑪圖溝泉水灌溉為八旗公田此地墾種成熟已令築堡蓋房派令畝自耕自食養雞畜豚一如錫伯永資生計

右旗屯水利

錫伯營八旗八佐領分為八屯鑲黃正白二旗駐豁吉格爾正紅旗駐巴圖蒙柯引用泉水灌溉鑲白旗駐綽豁囉正黃旗移駐塔什布拉克鑲紅旗移駐額爾格穆托羅海正藍旗移駐綽豁囉之東

鑲藍旗移駐綽豁囉之西俱引用河水灌溉

右錫伯營水利

索倫營八旗八佐領分左右翼左翼屯田引西阿里瑪圖河水灌溉右翼屯田引圖爾根河水灌溉

右索倫營水利

察哈爾營八旗分左右翼屯田皆依博羅塔拉河岸河北之田多引山泉河南之田引用河水灌溉

右察哈爾營水利

厄魯特營上三旗六佐領屯田四處曰敦達察罕烏蘇曰霍依圖察罕烏蘇曰特爾莫圖曰塔木哈

引用其地之水灌溉下五旗十四佐領屯田十六處曰昌曼曰哈什曰春稽布拉克曰蘇布台曰渾多賴曰袞佐特哈曰庫爾庫壘曰呢勒哈曰大濟爾噶朗曰算珠圖曰特勒克曰明布拉克曰特古斯塔柳曰沙喇博果沁曰巴哈拉克曰弩楚袞各引用其地之水灌溉

右厄魯特營水利

回屯 水利

乾隆二十五年辦事大臣阿桂奉

旨自阿克蘇帶領回子三百名至伊犁分撥墾種自二十

七年至三十二年陸續由烏什葉爾羌和闐哈密吐魯番等處增調回子共六千戶墾種地畝

乾隆三十八年將軍伊勒圖

奏准以六千回戶分爲九屯耕種納糧每戶交糧十六石每年共交糧九萬六千石

乾隆五十九年將軍保寧以回子生齒日繁增墾地畝情願加交糧四千石以足十萬石之數等因奏奉

諭旨嗣後遇有歉收之年不必增交以示體恤著爲令欽此自是每戶攤交糧十六石六斗六升六合六勺

零

嘉慶九年將軍松筠以六千回戶生齒倍加請將遣屯等處地畝撥給回子耕種每年令交小麥二千石以供銅鉛廠夫口食之需得

旨允行

管轄六千回戶分屯種地之始係阿奇木伯克茂薩茂薩者吐魯番郡王額敏和卓之次子也於乾隆二十五年授伊犁阿奇木伯克嗣以軍功封輔國公三十一年額敏和卓第三子鄂羅木雜布赴伊犁將軍明瑞

奏明令協理屯田事務是年授一等台吉任伊犁三品阿奇木伯克五十三年

誥以一等台吉世襲罔替五十五年晉公品級嘉慶十年將軍松筠

奏言去歲回戶所種田禾雨水過多收成稍歉而於應納之糧十萬石全數交納奉

旨回子公職銜台吉阿奇木伯克鄂羅木雜布之長子密里克雜特次子邁爾諾什姪色莫特伯柯依應納糧石俱各奮勉全數交完其四品伊什罕伯克托克托納交糧石甚屬奮勉著加恩托克托賞戴花翎密里克雜特

邁爾諾什色莫特伯柯依俱著加一級賞用四品頂戴以示鼓勵欽此是年鄂羅木雜布卒

恩賞銀二百兩以其子密里克雜特襲一等台吉署阿奇木伯克事務並奉

旨密里克雜特如果得力將伊擬正奏到時朕再加恩欽此遵卽出具考語具奏奉

旨密里克雜特著補授伊犁三品阿奇木伯克欽此嗣密里克雜特缺出

奏補伊什罕伯克托克托為阿奇木伯克托克托缺出

奏調布古爾阿奇木伯克伊薩克為伊犁阿奇木伯

克伊薩克遺缺

奏補伊什罕伯克邁瑪迪敏為阿奇木伯克邁瑪迪敏缺出

奏補頭等台吉伊什罕伯克霍什納札特為阿奇木

伯克

其管理屯田大小伯克銜名詳見官制

右回屯

海弩克種地回子六百戶引用山泉灌溉

喀什種地回子五百戶引用河水

博羅布爾噶蘇種地回子一千一百戶引用河水

濟爾噶朗種地回子九百戶引用山泉

塔什鄂斯坦種地回子四百戶引用山泉

鄂羅斯坦種地回子六百戶引用山泉

巴爾圖海種地回子六百戶引用山泉

霍諾海種地回子八百戶引用山泉

達爾達木圖種地回子五百戶引用山泉乾隆五十九年

奏明撥給此地

烏蘭庫圖勒回戶加種地畝引用喀什河水此地即銅

鉛廠田畝改歸回子耕種每年交糧二千石

呢勒哈回戶加種地畝引用山泉

烏里雅蘇臺圖回戶加種地畝引用山泉

春稽回戶加種地畝引用泉水以上四處屯地均係嘉慶九年奏

明撥給

右回屯水利

屯務成案

乾隆二十五年辦事大臣阿桂奏伊犁增添兵丁及種地回子並修築城垣等一摺奉

旨軍機大臣核議具奏欽此當經按款核覆一原奏內稱伊犁種地回子現有三百名宜於次年再添七百名以足千名之數適經舒赫德奏派回子五百名

令其攜眷於來年春由阿克蘇起程赴伊犁種地
此項五百名回子來時每名應備帶小麥大麥籽
種各五斗穀黍籽種共五斗農具馬匹牲畜等項
俱照本年移來回子之例辦理令其於正月初間
卽由阿克蘇等處起程以便二月初間雪消之際
卽抵伊犁種地除咨行舒赫德外尙應添回子二
百名俟伊犁麥收後再行撥發前來等語查伊犁
地方地廣而肥若將種地回子等多爲撥給實屬
有益但移駐種地回子所屬口糧籽種馬匹牲畜
若令一時全行辦理各城回子等設措不免拮据

自應陸續撥發應如阿桂所奏飭令舒赫德等妥
爲辦理所請麥收後撥發二百戶回子若能同五
百戶回子於正月內卽一併發往甚善儻不能一
併發往麥收後種地之時已過與其抵彼徒糜口
糧寧俟秋收後再行撥發不但由阿克蘇起程不
至拮据而伊等至彼不久卽屆春季種地亦不致
糜費口糧應請飭將此項二百名回子於來年秋
季落雪以前卽令起程撥往一原奏內稱伊犁地
方外界哈薩克布魯特本年三百名回子始種三
百石籽種除養贍伊等本身妻子應留籽種外足

欽定大清會典事例 卷六
三
數千餘官兵及跟役等數月口食來年春季續撥
回子五百名合此回子三百名每名若令種一石
五斗籽種十五分收穫可得糧一萬八千石二十
分收穫可得糧二萬四千石雖至少亦敷一千戶
回子二千五百名兵丁一年口食伊犁現有兵丁
九百餘名請於來年再添撥一千五百餘名現有
滿洲索倫察哈爾兵八百餘名外再派馬兵六百
餘名除現有綠營兵一百名外再派綠營兵九百
名此項增添之兵舒赫德處先派馬兵四五百名
於來年春季應撥五百名回子起程之際一併撥

來照本年春撥帶來官兵之例辦給米麵羊隻其
餘兵丁俱於麥收後起程祇辦給沿途口食等語
查伊犁駐防兵丁宜量回子等所種地畝收穫敷
用再為陸續增添駐防本年三百名回子所種地
畝收穫之糧卽敷千餘名兵丁口食來年若再添
回子耕種可得二千五百名兵丁一年口食請如
所奏由葉爾羌喀什噶爾阿克蘇等城調派滿洲
索倫察哈爾兵丁六百名綠營兵四百名由烏魯
木齊調派綠營兵五百名添駐伊犁不惟糧易得
而於防守地方有裨此項往駐兵丁於春間護送

種地回子之時先令幾百名起程秋季幾百名起程所需口糧等項如何辦給之處應飭令舒赫德行文與阿桂商酌辦理一原奏內稱來年回子足數千名耕種所收之糧於壬午年卽敷三千名兵丁口食來年秋季撥駐綠營兵一千名抵伊犁後旣先令耕種秋麥壬午年春季再令耕種小麥大麥穀黍計一千名綠營兵丁一千戶回子耕種所收之糧足敷六千名兵丁口食察看此地情形尙毋庸許多兵丁若有兵四五千名卽足敷用但伊犁地處極邊界連外夷若駐兵五千請駐滿兵三

千名綠營兵二千名若駐兵四千除一千名種地綠營兵丁外請再撥綠營兵一千名前來令其蓋房築城俟換班之際再行擬定數目等語查現在固勒札海努克察罕烏蘇等處令回子居住耕種地畝於哈薩克布魯特連界之處安設卡論防守地方需兵較多若駐兵五千部伍成而威勢盛但駐兵必裁度該處分例不使糜費內地帑項於事方有裨益今阿桂雖稱年來一千名回子一千名綠營兵丁所種之糧除留存籽種外可敷六千名兵丁口食然必須耕種一年得實在收穫數目方

可裁度定擬駐兵之數莫若於來年秋收後裁度實收穀石數目如敷駐兵五千俟奏到之日將出派何處兵丁如何擬定年限換班之處再行定議一原奏內稱伊犁名勝之地河北無過固勒札河南無過海努克若論田地肥沃無過察罕烏蘇其海努克地方現有回子三百名卽令其居住不使移動海努克地方請建一小城駐兵數百名以遏哈薩克布魯特等所通之路至察罕烏蘇地土肥沃種地一千名綠營兵丁請卽在察罕烏蘇居住建一小城池以遏哈薩克布魯特由伊犁河北所

來之路請將來年春季起陸續前來之七百戶回子俱令駐劄固勒札建一大城所有大臣衙署及倉廩房間俱修於此著馬兵等於草青之時擇水草善處牧養馬匹牲畜以便各路遠出巡防俟草黃落雪以前各令回城附近度冬但目今穀尙未積不便卽調築城兵丁俟壬午年夏季所撥一千名綠營兵到來專令責成築城蓋房等事其種地兵丁回子等亦令其暇時幫助使一年限內完竣等語查伊犁種地駐兵宜於形勢之地修建城池以遏外夷今固勒札海努克察罕烏蘇雖俱係形

勢之地但固勒札野柴稀少若修建大城令多人居住不得柴薪兵丁不免拮据應於烏哈爾里克察罕烏蘇喀什崆吉斯博勒齊爾等處廣有樹木之地或近產煤之處多駐兵丁方屬有益請令阿桂另行詳視定議其海努克地方修一小城現有三百戶回子不使移動仍駐兵數百名以防西通哈薩克布魯特之路察罕烏蘇地方建小城池令種地一千名綠營兵丁居住以防哈薩克布魯特由河北所來之路馬兵於青草之時擇水草善處牧馬以便各路遠出巡防俟落雪旋回等款均如

所奏辦理再修建城池雖據阿桂稱於壬午年夏季撥綠營兵一千名令其專修並令種地兵丁回子等暇時幫助一年限內完竣但現在伊犁駐兵俱係裁度該處收穫糧石數目方能定議若因築城復多派兵一千名該兵丁等到彼並不種地豈不糜費口糧計現在該處所有綠營兵丁種地回子及來年添撥綠營兵丁種地回子既有二千餘名應令於種地閒暇漸爲築城其二千人之力亦與一千人之力相等築城須定年限亦毋庸一時完竣應請令阿桂通融酌辦一原奏內稱現議來

年秋季增添一千名綠營兵丁種地而牲畜在所必需烏魯木齊所有換獲哈薩克馬六百餘匹雖經舒赫德奏備伊犁之用爲數尙有不敷嗣後再有換獲馬匹於來年草青之際令安泰等一併措辦千餘匹送來應用外哈密巴里坤上年撤回兵丁有無回交馬匹亦令行查伍吉永寧處令備需用再由阿克蘇等處至伊犁有一千餘里兵丁撥移前來必需馱載牲畜雖據舒赫德具奏由烏魯木齊駝隻內調取三百隻但回子地方不宜駝隻秋季倒斃更甚現今烏魯木齊尙有駝七百隻請

由安泰處擇五百隻於來年草青之時委員運送之便卽將一千名綠營兵丁所需農具一併措辦馱載前來將駝隻卽在伊犁牧放其阿克蘇等處應撥兵丁如需用駝隻卽將此項駝隻趕往應用等語查來年伊犁添駐兵丁必需馬匹駝隻應如阿桂所奏飭令安泰等現有馬匹委員送往來年伊犁添駐九百名綠營兵丁_臣等議得應由阿克蘇派四百名由烏魯木齊派五百名旣經舒赫德將烏魯木齊駝隻調取三百則由阿克蘇派出四百之兵起程時卽著用此三百駝隻外烏魯木齊

既尙有駝七百餘隻亦如何桂所奏擇五百隻合
馱載一千人種地所需農具卽交此項五百兵帶
往嗣後添撥伊犁種地兵丁卽就近由烏魯木齊
等處現有兵丁內調撥可免由內地派出之繁等
因奉

硃批帶領烏魯木齊兵丁前往時著派安泰餘依議欽此

乾隆三十一年將軍阿桂

奏言新疆地方種地兵丁每名若收穫十一石以上
細糧將官兵議敘者原因初墾地畝之際示以優
獎現在可耕之地雖肥瘠不一亦不甚懸殊全賴

擇地引水勤力耕作果將力耕多收者加倍獎勵
收穫平常者停其議敘庶官兵各知奮勉可期收
獲豐裕卽如伊犁地方綠營兵丁所種地畝初種
時卽較各處收穫懸殊而數年以來漸次加增有
收至細糧二十七石有餘者烏魯木齊等處每年
每兵不過收至細糧十四五石雅爾卽今塔爾巴哈台地
方去歲每兵始收細糧十一石三處收穫分數懸
殊而官兵議敘纖毫無異今各處官兵俱經住定
不比初種地畝之時宜將議敘之例更定永遠遵
行每名得細糧十一石除本處食用外計每名每

日應得八合三勺尙不敷三人之需嗣後請停止
議敘每名若收細糧十八石除本身食用尙可食
養五人請照現在議敘之例給予議敘每兵若收
至細糧二十八石除本身食用儘可食養八人請
由現在議敘外再加獎勵給予議敘如此不惟奮
勉種地官兵益相鼓勵而不甚奮勉種地官兵亦
知奮勉實於官兵邊儲均屬有益等因奉

旨軍機大臣議奏欽此經軍機議覆應如所奏嗣後種地
兵丁每名收至細糧十一石者停止議敘每名收
至細糧十八石者仍照現在議敘之例給予議敘

收至細糧二十八石者由現在議敘例外加倍議
敘奉

旨依議欽此

乾隆四十七年將軍伊勒圖

奏言從前因伊犁地方未有積貯糧石曾由屯田綠
營兵丁三千名內除各項差使五百名外每年令
二千五百名種地納糧數年以來積貯之糧現有
五十萬餘石足敷三年支放每年綠營兵丁並民
人回子等所交之糧約可得十八萬石除一年支
放外尙可餘二萬石每歲積貯糧石太多以至霉

硃批知道了欽此

乾隆五十九年將軍保寧

奏言查前任將軍伊勒圖奏准伊犁倉貯之糧五十萬餘石積糧太多以至霉變似屬無益請由二千

五百名種地兵丁內撤出一千名裁減十屯令一千五百名種地一千五百名操演技勇今數年所收穀石分數二十三四五分不等計每歲所收俱以二十四分爲準收穫四萬二千餘石再發交綠營種地爲民遣犯等交糧一千餘石回子等交糧九萬六千石及各倉斛面浮出之糧三千石一年共可得糧十四萬三千餘石現今伊犁一年支放共需糧十六萬六千餘石尙欠不敷糧二萬三千石俱由倉貯五十萬餘糧石內陸續填補現已剩糧三十餘萬石雖尙敷添放數十餘年但伊犁地

處極邊若不稍備存貯餘糧倘偶有歉收或有需糧之事倉貯糧石不能接濟實有關係理宜預籌辦理請由現在各差行走一千五百兵丁內留八百名照舊操練技勇充當各差外以七百名增添七屯令自來年種地計一年二十四分收穫可得糧一萬九千餘石此項糧石並現在回子等請添交糧四千餘石卽敷每年支放所餘倉貯之糧三十餘萬石每歲出陳易新並不至於霉變而倉中可得永遠備貯之糧如此酌籌辦理一年收穫之糧足敷一年口糧其餘操演八百名兵丁亦敷充

當各項差使奉

硃批好事知道了欽此

嘉慶四年將軍保寧

奏言綠營三千種地兵丁內令八百名操練當差二千二百名種地納糧如許年來仰賴

聖主洪福俱各豐收每歲涂由綠營兵丁民人回子等所交穀石內支放官兵外尙餘糧一萬石有餘計現在各倉所存貯穀三十六萬石有餘足敷二年支放雖極邊之地積蓄官兵口糧益多益善但按年積累過多以至霉變亦似可惜理宜稍爲變通籌

辦伏思極邊之地兵丁技勇所關緊要伊等雖更換種地乘暇操演究竟不能熟練今各倉既有永貯支放二年餘糧請由現在種地二千二百名兵丁內撤出四百名令一千八百名種地更換操練技勇再添兵四百名不惟每歲所收之糧支放仍復有餘而兵丁技藝亦可嫻熟奉

旨甚是著照所請辦理欽此

嘉慶九年將軍松筠

奏言據署總兵納爾松阿呈報該十八屯所種地畝尙照前任將軍伊勒圖所辦停歇章程仍令種十

五屯地畝之處請示前來查此處地畝不似內地用糞各屯地畝俱係耕種一年停歇二三年耕種始得肥沃豐收起初綠營曾共耕種二十五屯後因替換停歇不敷於乾隆四十七年經前任將軍伊勒圖奏明倉中貯穀既多必至腐朽而邊疆地方操練兵丁亦屬緊要減去十屯撤出兵丁操演止種十五屯地畝一則爲操演兵丁再則因地畝久種不能肥沃欲使輾轉更換停歇是以如是酌籌辦理嗣於乾隆五十四年經前任將軍保寧以多貯穀石亦屬緊要奏准增添七屯共二十二屯

耕種地畝嘉慶四年又經保寧以貯穀既多酌量撤出兵丁令其操練奏准復裁減四屯此仍係因時籌辦今該署鎮納爾松阿以現在所種十八屯地畝請仍照從前替換停歇等情合而計之倉存穀石四十萬有餘其所請裁減者雖亦與從前伊勒圖定擬耕種十五屯地畝之數相符但停歇地畝亦不可不定年限從前經伊勒圖奏定耕種十五屯地畝後隔七年既經保寧奏明添種應如納爾松阿所請令暫裁三屯照舊耕種十五屯地畝嗣後不許停歇七年應令五年停歇限滿仍前添

種現撤三屯兵丁照舊操演暇時令其修補各該城牆垣務使完整奉

硃批著照所請辦理欽此

嘉慶九年將軍松筠

奏言伊犁種地回子六千戶從前每年每戶交糧十六石通共每年交糧九萬六千石迨後生齒日繁添墾地畝於乾隆五十九年

奏明又共續增交糧四千石是六千回戶四十餘年生齒倍加阿奇木伯克鄂羅木雜布懇借厄魯特游牧閒地暫給回子墾種以資生計現在仍自徧

覓餘水設法開渠冀墾戈壁曠土殊屬急公因查
遣屯地畝極多與其屯種有名無實莫若撥給回
子耕作俾應納官糧盈餘即可養贍家口庶於回
子公私均得實惠詢之厄魯特總管等願將本年
回子借種之地一併撥給又春稽地方有田二千
餘畝亦准回子耕種鄂羅木雜布及伊什罕伯克
等咸稱情願每年交納小麥二千石以供銅鉛廠
夫口食奉

旨著照所請將哈什河南遣屯地畝改撥伊犁種地之六
千回戶耕種仍將本年回子借種厄魯特之地一併撥
給其春稽地方有田二千餘畝亦准回子耕種每年交
納小麥二千石以供銅鉛廠夫口食欽此

嘉慶十年將軍松筠

奏言伊犁塔勒奇地方向設水磨一座係綠營各屯
攤撥兵弁輪流應役該弁兵等由倉領麥每年磨
麵十餘萬觔以爲出差官兵及各項當差遣犯口
食應用每年磨麵運麵不獨常川占用弁兵車輛
而所磨之麵新陳相接夏熱之際不無發變每遇
官兵等支領多致不堪食用竟屬兩無裨益查此
項糧石本係伊犁回戶每年交糧十萬石每石加

納三升斛面餘糧從前每年出差官兵及各項差役應支口糧原屬有盈無絀自乾隆五十五年將軍保寧

奏添惠遠城滿營烏鎗步甲四百名每年應需口糧支放以來皆係歷年積貯斛面餘糧至嘉慶八年舊存餘糧俱已儘數支放所有步甲月支口糧自嘉慶九年不得不於正項糧內支給如此年復一年必致存倉正項虧短實非慎重倉儲之道因思裁撤綠營磨麵運麵弁兵儘可分撥各屯加給籽種耕種自明年秋收爲始每年共可增交小麥六

百石所有回戶交糧每石既有斛面三升而綠營屯工不交斛面殊覺偏袒應令屯工一體每石加交斛面三升每年又可增交小麥九百餘石合之每年回戶斛面餘糧三千石三共餘糧四千五百餘石通計每年足敷支放烏槍步甲及出差官兵各項差役應領口食之需仍著糧餉處按年查明報部備案再查回戶交糧不獨每石加交斛面三升其每斛足敷七十觔外尙有鼠耗至綠營各屯交糧從前止交鼠耗並無觔面而每斛觔秤亦不

如回糧觔秤足敷支放實於官兵月支口食有礙

今雖增交斛面其所有不敷觔秤仍應補交以足
兵食而歸實貯奉

旨據松筠奏酌裁水磨加增屯糧一摺其所稱裁撤水磨
將綠營磨麵運麵兵丁分撥各屯種地納糧於官兵等
較有裨益所奏似尙可行惟令綠營屯工於納糧時一
體加交斛面並補足鼠耗觔秤之處雖係比照回戶一
律辦理但亦須體查綠營各屯是否力能加納並恐開
藉端勒索浮收之弊保寧在伊犁有年於該處情形素
爲熟悉著將松筠所奏事宜悉心詳核妥議具奏欽此
當經議奏奉

上諭前據松筠奏酌裁水磨加增屯糧一摺因保寧前在
伊犁年久熟悉該處情形發交核議茲據保寧詳議覆
奏伊犁塔勒奇地方設水磨派撥弁兵輪流磨運麥
麵以給各項應差兵役口食今因麥麵陳積霉變該官
兵等情願領麥易麵自係實在情形且撤出此項兵丁
仍可分屯耕種增交麥石於倉儲亦有裨益著卽照松
筠所奏行其請令綠營屯工交納糧石時與回戶一例
加交斛面三升並補足觔秤之處綠營兵丁派撥屯田
仍須兼習操防原與回戶專事種藝者有別所交糧石
但應令其照原定斛額交足觔數若責令加交斛面三

升恐丁力不免拮据且倉員等或藉辭勒索浮收尤易滋弊松筠所奏不可行至惠遠城滿營添設烏槍步甲每年支放口糧現於存貯正項倉糧內動用恐致日久短絀據保寧奏稱伊前任將軍時因倉貯過多曾經奏准於屯田兵丁二千二百名內撤出四百名輪流操演原擬於數年後察看糧石盈絀再行酌辦今舊存餘糧既虞全數支放莫若於原撤屯兵內再量為派撥分屯耕種每年所收糧石逐漸加增不惟官兵口食足敷支給倉貯亦可日臻饒裕等語保寧所議較為妥協著卽照所議行欽此

嘉慶十三年將軍松筠

奏言前於嘉慶九年為按照舊辦章程歇種地畝奏裁三屯摺內當經聲明歇屯五年限滿仍前加種等因在案本年已屆限滿自十四年為始卽應再加三屯耕種相應

奏明劄行屯鎮總兵國興阿自十四年為始照例加種三屯奉

旨知道了欽此

嘉慶十九年將軍松筠

奏言綠營弁兵三千名原設二十五屯種地交糧以

為駐防八旗官兵歲支之需後因倉糧有盈陸續
裁至十五屯又復加至十八屯現屆復應加屯耕
種小麥因與署屯鎮事務領隊大臣博奇圖商酌
將差操弁兵循例撥出二百名自明年為始加種
兩屯奉

硃批覽欽此

嘉慶二十一年將軍松筠叅贊大臣長齡

奏言伊犁惠遠城旗屯公田惠寧城旗屯回屯向皆
用東山關里沁泉水灌溉上年管屯之阿奇木伯
克霍什納札特等稟請開渠當於喀什河舊渠展

寬開挖二十餘里渠寬水廣由此新開支渠灣長
一百七十餘里西北接入濟爾哈朗山泉水灌闡
里沁之一百五十戶回子田畝而新渠河水勝於
泉水所勻出闡里沁泉水專溉惠遠城旗屯公田
實屬兩有裨益此項渠工係伊什罕伯克巴克依
專力承辦七八月間即可全行完竣可否奏懇

天恩賞戴花翎之處未敢擅便理合預行請

旨遵行其惠遠城旗屯公田阿齊烏蘇地方臣連年督飭

辦理已照嘉慶十七年軍機大臣遵

旨同臣松筠會議將軍晉昌所

奏章程於該處相地築堡周圍土牆一千一百二十四丈計共三里一分有奇堡內原定蓋房一百所每所先蓋住房三間院牆四面各長十丈院落寬敞便於將來自行添蓋房屋且可仿照錫伯養雞畜豚以資生計業已蓋成六十所旗下不得錢糧之間散壯丁移住六十戶本年所種田畝似可有收其未蓋房間四十所仍照原

奏議定章程於屯工羊價銀兩內撙節陸續建蓋添住閒散兵丁分種地畝以期永資樂利至惠寧城滿營於城外西北亦已相地築堡蓋房移住閒散

本年耕作可望有收所有兩城八旗閒散舊分地畝及惠遠城滿營稻田每年耕種各有分定渠水澆灌此外旗屯公種田畝將軍晉昌曾因乏水奏明立案辦理奉

硃批工竣時長齡查明據實保奏不可冒濫欽此

Blank columns for text on the right page.

欽定新疆識畧卷七

營務

新疆滿洲綠營官兵分布南北兩路有駐防換防之分駐防者攜眷之兵永遠駐守惟伊犁及烏魯木齊古城巴里坤滿洲綠營為然吐魯番滿營兵亦如之其北路之塔爾巴哈台滿兵則自伊犁調撥南路之喀什噶爾英吉沙爾葉爾羌烏什阿克蘇滿兵則自烏魯木齊古城巴里坤調撥其綠營兵則自陝甘各營調撥皆輪班更替非常駐者也伊犁地處西陲軍將鎮守故駐有滿洲蒙古八旗

兵有綠營屯兵有錫伯索倫察哈爾厄魯特等兵約束嚴明所以靖邊圉而資控馭而溯其始駐之年各有不同惠遠城滿營始自乾隆二十九年至三十一年由熱河涼州莊浪移駐惠寧城滿營始自乾隆三十五年至三十六年由西安移駐錫伯營始自乾隆三十年由

盛京移駐索倫營始自乾隆二十九年由黑龍江移駐察哈爾營始自乾隆二十九年由張家口外移駐厄魯特營有自乾隆二十九年由熱河移駐者為達什達瓦厄魯特達什達瓦者準噶爾台吉小

策零敦多卜之子為其汗喇嘛達爾濟所殺屬眾投誠安插熱河事在準噶爾未滅之前有自準噶爾既滅於乾隆二十五年以後陸續招撫並由哈薩克布魯特投出者又有沙畢納爾人等於乾隆三十六年隨土爾扈特歸順安插伊犁者此外綠營屯兵則自乾隆二十五年由陝甘兩省陸續換防至四十三年始改為攜眷永遠駐防此各營官兵先後駐防之大畧也其兵制額缺分門詳載茲特志操演法制之詳軍器庫貯之數及營務成案編為一門以便稽考云爾

惠遠城滿營官兵四千三百七十員名烏鎗步甲四百名內除換防塔爾巴哈台喀什噶爾及出卡倫各項差使外其餘官兵定例每月逢四七十日演合隊行操二八日演過堂準頭馬鎗一五九日演步箭三六日演馬箭惠寧城官兵亦然

錫伯索倫察哈爾厄魯特四營各於屯所游牧隨時操演鎗及騎射

綠營兵隨時操演其屯田兵俟秋收後輪流操演俱習鎗箭間習刀矛藤牌

每秋季春季分旗在四城門樓清晨吹海螺二月

十五日起三月初一日止七月十五日起八月初

一日止每兩旗派官一員專管滿營檔房委章京一員稽查

每年夏秋將軍隨時親赴教場閱看本城滿營官兵技藝並赴惠寧城閱看滿營官兵技藝

每年秋將軍帶兵赴哈什一帶演圍以肄武備每年八九月間將軍派領隊大臣帶同官兵巡查

哈薩克邊界酌收馬稅踰一二年派領隊大臣帶同官兵巡查布魯特邊界

哈薩克游牧自西而北過塔爾巴哈台直接科布多交界每年巡查哈薩克邊界原為收取馬租定例不準糞圖多收量其所能而取之所以示體

恤也至布魯特邊界遠在西南哈爾奇刺卡倫以
外越善塔斯太畢勒哈圖等山行數百里始見其
游牧之人至特穆爾圖淖爾兩岸間有布魯特所
種田地之巡查官兵誤聽嚮導厄魯特謊言每
踐踏田禾此項厄魯特皆平定準噶爾時竄赴布
魯特因被凌虐始行投出者大凡巡查邊界之領
隊大臣多以通曉厄魯特藉此洩忿因以布魯特
並為嚮導該厄魯特藉此洩忿因以布魯特為通事
踐踏其田禾稟知將軍入告相沿已久遂為成例
後有察哈爾部落副總管職銜巴雅斯瑚朗者具
言其狀自是以來巡查邊界之領隊大臣始禁官
兵踐踏田禾布魯特人等無不頂感
羣相歡悅蓋邊界者係指卡倫以外接界處所而
言果其於卡倫界內種地自應踐踏驅逐此在卡
倫以外數百里之遠木與邊界無涉且該游牧人
等藉種地而資生計豈可聽從厄魯特任意踐踏
因推所以深入布魯特遊牧巡查之故起自副將
軍侯富德當時因向哈薩克追阿睦爾撒納無獲
折赴布魯特至喀什噶爾追討回逆霍集占等中

途曾經具奏布魯特游牧原係準噶爾所有至
後始有巡查布魯特之役其實布魯特並非準噶
爾所有該部落沿邊頭人名之曰比即伯克之稱
投誠以來一如哈薩克順以此較之名雖巡查
邊界實則巡查游牧若嚴禁官兵藉端滋擾殊
不足以服外夷之心是歷任將軍必宜諄囑巡查
邊界之領隊大臣及各項官兵斷不可踐踏布魯
特田禾此事最為切要傳知兩城滿營檔房並各
領隊大臣衙門存記每於官兵巡查起程時通行
曉諭嚴禁滋擾布魯特歷年遵行因附記於此
每年冬月將軍赴綏定城閱看綠營官兵技藝
每年十月間八旗陳軍器於惠遠城東門外教場
按旗排立將軍親往查閱
每年十月滿營及綠營官兵在紅山口演放礮位
十數日惠遠城派協領一員佐領以下官二員惠

寧城派協領一員佐領以下官一員綠營派都司一員千總把總各一員共兵四百二名其礮位鐵子鉛丸火藥俱在軍器庫照數領出其鉛丸照檢七銷三之例辦理

行操式

嘉慶九年將軍松筠

奏演行操式每演之日詰旦各旗官兵齊集教場演武廳前兵分八隊令按八旗分中左右三軍以鑲黃旗官兵為中軍踞立中間以正白旗官兵為左軍踞於左翼以正紅旗官兵為右軍踞於右翼以

鑲白旗官兵為前隊踞於中軍之前以鑲紅旗官兵為後隊踞於中軍之後以正黃旗官兵為殿後踞於後隊之後以正藍鑲藍兩旗官兵分為二隊為伏兵教場寬闊立瞭臺三座相去各數百步一西一東一又東當各旗官兵分隊踞立之際即飾正藍鑲藍兩隊伏兵潛行伏於又東瞭臺之東於是鑲黃等六旗各統領率同隊長兵丁吹海螺齊以列陣各隊官兵俱各整立中軍揮旗止海螺鳴號礮三擊鼓各隊按次前進至西瞭臺前哨馬兵報於中軍該章京即揮鑲白正紅之旗鳴礮以前

隊及右翼官兵吶喊而出向瞭臺先操以三進連環鎗繼以拋擲火毬繼以連射當是時中軍揮正白鑲紅之旗鳴號礮一後隊及左翼官兵穿出整隊正進至東瞭臺兩隊同擊鼓鳴礮一兩隊官兵吶喊前進操演與前隊右翼同當是時前隊右翼官兵檢拾箭枝已畢與中軍官兵相繼趨至前隊與右翼紮住不動吹螺鳴礮一獨中軍官兵前進與後隊左翼相合操演如前正操時中軍揮鑲白正紅之旗鳴礮三前隊右翼官兵亦照後隊左翼官兵旁出整隊前進吹螺行至瞭臺其鳴礮操演

與後隊左翼同當是時中軍及後隊左翼檢拾箭枝已畢相繼趨至吹螺紮住中軍揮正黃之旗殿後援兵鳴礮一吶喊出戰與前隊右翼官兵相合操演亦如前當是時中軍揮鑲紅正白之旗鳴礮三後隊左翼官兵卽分隊旁出未至又東瞭臺之際其先分投埋伏之兩藍旗官兵靜待中軍號礮至是中軍揮兩藍旗鳴礮三兩伏兵各奮勇吶喊出戰俱各進至瞭臺一箭之地揮旗勒隊見後隊與左翼官兵正在操演各鳴信礮一卽與後隊左翼官兵合演烏鎗繼擲火毬又繼以連射演畢與

欽定大清會典事例 卷七
前隊右翼中軍殿後兵合至中央吹螺收軍中軍
復吹海螺鑲藍正藍二旗在前分隊行走次鑲白
鑲紅次正白正紅按隊續行次中軍接行殿後正
黃旗仍尾行整隊俱各跼立中軍揮旗鳴礮三各
隊俱鳴鼓緩退當是時中軍若揮某隊之旗令向
某方操演則某隊之兵突出前往操演又接揮某
隊之旗則某隊之兵突出援之繼操已畢吹螺復
整大隊如例操式合操三進聯環畢按步伍分列
八隊紮住吹螺而退每年十月演礮時所有行操
官兵帶赴紅山口教練山操一次以習搶上壓下

之法

各營軍器數目

惠遠城滿營

燾四十八杆

盔甲一百三十副

撒袋四千零十副

弓四千六百二十張

梅針箭二十萬五千八百枝

腰刀四千四百一十把

帳房九百五十頂

鍋九百五十口

長鎗一千九百八十杆

前鋒手鎗二百三十二杆

前鋒校小旗四十杆

催總領催小旗一百六十杆前項俱係官兵自備隨帶

烏鎗三千五百二十杆俱官為製給及由原營帶來

乾隆三十二年將軍阿桂

奏請由部頒到應給協領佐領等纛四十八杆領催

前鋒校等小旗一百九十二杆俱官為存貯五十

五年將軍保寧

奏明官為打造備用腰刀二千把貯軍器庫六十年奉

旨每兵製造麻火繩十丈共造火繩三萬五千二百丈俱

係兵丁自造官為存貯每年仍額造三千五百二

十丈操演出陳易新

戰箭五萬四千五百八十枝

棉甲三千四百二十三件

大神礮一位

大銅礮八位

威遠礮四位

小銅礮二位

小鐵礮二位

駱駝礮十三位

子母礮十六位

劈山礮一位

鑽巴喇特烏鎗五杆

以上俱在本城軍器庫存貯其救火器具設有鐵鈎麻搭方頭棍俱係自備各營皆然

惠寧城滿營

燾二十杆

小旗八十杆

盔甲五十六副

撒袋二千零七十二副

弓二千三百六十八張

腰刀二千零八十八把

梅針箭十萬四千六百枝

帳房九百零四頂

鍋九百零四口

前鋒小旗十六杆

前鋒手鎗一百二十八杆

長鎗七百二十八杆前項俱係官兵自備隨帶

烏鎗一千六百九十六杆

乾隆四十二年將軍伊勒圖

奏請由部頒到應分給協領佐領等纛二十杆領催

前鋒等小旗九十六杆俱官為存貯六十年奉

旨每兵製造麻火繩十丈共火繩一萬七千丈俱係兵丁

自行造辦官為存貯仍每年額造三千丈操演出

陳易新

棉甲九百副

大銅礮四位

威遠礮四位

駱駝礮四位

子母礮八位

以上俱在本城軍器庫存貯

錫伯營

撒袋一千零八十副

戰箭二萬三千七百七十枝

弓一千零八十二張

腰刀一千零八把前項俱係官兵自備隨帶

乾隆三十二年將軍阿桂

奏請由部頒到纛九杆小旗三十二杆在本營公所
存貯三十三年將軍阿桂

奏明卽以兵丁錢糧在內地置辦撒袋三百副腰刀
三百把俱已補給兵丁外又戰箭三萬枝及該營
原帶來鳥鎗三百七十杆並本處添置長鎗一百
二十二杆俱在該營領隊檔房存貯

索倫營

撒袋一千零五十八副

戰箭四萬四千四百五十枝

弓一千一百五十九張

腰刀一千零五十八把

前項俱係官
兵自備隨帶

乾隆三十二年將軍阿桂

奏請由部頒到纛九杆小旗三十二杆在本營公所
存貯

察哈爾營

撒袋一千八百三十七副

弓一千九三十七張

腰刀一千八百三十七把

長鎗八百六十八杆

鳥鎗三百四十七杆

前項俱係官
兵自備隨帶

乾隆三十二年將軍阿桂

奏請由部頒到纛六杆小旗十六杆在該營公所存

貯

厄魯特營

厄魯特營官員並無額設器械惟兵丁每人本身
各有烏鎗一杆長鎗一杆乾隆三十二年將軍阿

桂

奏請由部頒到纛十六杆小旗五十六杆嘉慶四年

將軍保寧

奏明該營兵丁自製梅針箭三萬三千三百枝鐵長

鎗頭四十箇俱在該營公所存貯

綠營

撒袋九十八副

弓一百九十六張

腰刀九十八把

戰箭一萬一千枝以上俱係官員自備隨帶

撒袋一千三百四十三副以下皆由原營帶來

弓一千三百四十三張

戰箭五萬五千九百枝

烏鎗一千三百八十九杆

腰刀三千把

刷刀四十一把

長予一百五十一把

威遠礮二十四位

子母礮十三位

大纛旗四十四杆

先鋒旗九十六杆

督陣旗四十四杆

號令旗二十五杆

什長旗二百二十杆

鐵盔甲一千五百副

棉盔甲一千五百副

號衣帽各三千件

帳房五百二十六頂

乾隆五十四年由惠遠城軍器庫撥領藤牌三百面五十六年衆兵自請在惠遠城軍器局買弓一千八百六十張

前項器械俱在本營公庫存貯凡遇兵丁操演出差隨時由庫領用

軍器庫每年應收硝磺數目

烏什應運硝六千五百九十九觔六兩九錢七分

喀喇沙爾應運硝四百二十八觔

庫車應運硝三百觔

烏魯木齊應運硝五千觔

以上共硝一萬二千三百二十七觔六兩九錢七分

庫車應運磺四百一十三觔七兩三錢二分五釐

阿克蘇應運磺一千三百七十八觔一兩八錢三分五釐

以上共磺一千七百九十一觔九兩一錢六分

火藥局

每年撥給硝九千觔磺一千五百觔配造火藥一

萬二千觔以供兩城滿營之用其綠營操演所用

火藥鉛觔由庫支領報部核銷再每年因操演添

撥硝二千二百餘觔磺六百餘觔配造火藥三千

觔除運送塔爾巴哈台火藥一千五百觔外餘為

添給操演各項差使之用

營務成案

乾隆三十二年將軍阿桂

奏定營務章程摺內所有錫伯索倫察哈爾厄魯特

總管關防佐領圖記改鑄發給其各營官兵應得

纛幟若一色製給不能分析何項兵丁再滿洲兵

丁由涼州莊浪原處帶來纛幟俱已損壞大小寬長不一熱河滿洲兵丁移駐之初並未帶有纛幟亦請造一分賞給因將分別營部纛幟式樣旗色繪圖恭呈

御覽得

旨允行

乾隆五十五年將軍保寧條奏調劑惠遠城滿營兵丁情形六款奉

硃批著軍機大臣等議奏欽此經軍機按款核覆一據奏稱伊犁地處邊陲官差甚繁兵多益善惠遠城滿

營官兵駐劄年久現在增添十六歲以上壯丁幼丁二千名雖有步甲缺六百分因係養贍伊等家口遇有缺出並不論身材年歲不擇步射騎射惟以人口衆多無餉之人得給此內年幼者不能當差年已及歲人等不過僅敷當差之用不似京師操演請由現在步甲壯丁幼丁內挑選四百名不使當一切差使專派官員只訓練伊等打過堂打把遇有馬甲缺出停止由壯丁幼丁內挑選卽由伊等內挑取所有糧餉俱請照步甲一例得給舊有步甲六百名仍照舊視伊等家口多寡作爲養

贍分例得給年已及歲者令當步甲差使所有一年支放六千餘兩餉銀卽請由伊犁稅租內動支所需烏鎗四百杆將現今伊犁所有損缺烏鎗爰爲修理每名各給一杆等語查伊犁乃新疆要滙之區兵丁移駐年久生齒日繁若稍增益兵缺於防守地方養贍壯丁幼丁均屬有裨所奏尙屬可行應請如所奏辦理一據奏稱現在伊犁惠遠城雖有前鋒校前鋒委前鋒共四百四十名每歲換防查邊護守哈薩克等差需人甚多竟不能著意操演請由披甲內挑選六十名與前鋒一併操演

當差仍令食原餉再該城八旗四十佐領下共有前鋒校三十二名不敷管束請由前鋒內再委前鋒校八名共作爲前鋒校四十名每佐領下合前鋒校一名令其管束伊等亦照前鋒校令其戴用金頂藍翎毋庸添支得項等語查伊犁前鋒營應當官差甚多前鋒若少不但不能輾轉且亦不能著意操演所奏尙於公事有益應請如所奏辦理一據奏稱伊犁兩城滿營壯丁幼丁等不但應教習技勇凡耐習勞若行營之道亦應預爲教演請嗣後凡有派出查邊坐卡出牧坐臺打圍等差官

兵如有情願將伊等子弟帶往者卽聽伊等作爲跟役帶往教訓如無乘騎馬匹者請由該營官馬內通融撥給乘騎仍飭令帶往官員等嚴行管束禁止代替伊等父兄當差等語查壯丁幼丁等俱係預備挑甲之人未當差以前卽教習馬上行營之道經歷耐習勞苦挑甲後俱可成得力好兵係預爲學習一切差使起見尙屬可行請如所奏辦理惟無馬者通融撥給官馬乘騎之語微似含糊現今伊犁營中有無備用餘馬之處摺內並無聲明_臣等礙難懸定請令保寧查現在伊犁各營廠

內如有現成富餘馬匹量加通融辦理卽撥給官兵帶往無馬之子弟乘騎外否則毋庸辦添馬匹一據奏稱凡兵丁習學步射騎射俱取式樣演習者無非欲觀瞻之美但圍場殺牲皆恃馬上去得步射結實弓硬有準所以關東之人漢仗好能多殺牲者並不在于式樣請將伊犁兵丁照關東人步射騎射停其習學式樣但令練習馬上猛勇弓硬有準嗣後凡遇挑缺俱停止挑取式樣若非八力以上之弓步射騎射準頭平常者概不挑取等語查步射騎射原不在乎式樣準頭若好凡差使

欽定新疆圖志 卷七
之處自可得力然準頭好者不必盡屬關東人果肯每日黽勉習學不時操練無論關東人及內地之人皆能有準今該將軍所奏雖係欲使兵丁步射騎射俱以準頭爲要但毋庸拘泥內地式樣與關東人式樣嗣後惟視其人之身材膀背取樣令其不時練習務使馬上猛勇步射結實弓硬有準挑選卽請如所奏辦理一據奏稱伊犁兵丁操演步射騎射放鎗又全行操演馬上三鎗惟三鎗一項無甚用處數千名兵丁人每日令其全行操演不惟反悞別項技藝一年枉費火藥數百觔徒

勞馬力若將此項馬匹移於圍場令兵丁乘騎多教習行圍較放三鎗尤勝請嗣後停止兵丁全行演放三鎗亦照健銳營火器營一例止挑選百名專令操演以備筵宴哈薩克之用其中挑取好者亦照健銳營火器營之例每月支給公費銀兩以示鼓勵此項銀兩由官鋪所得利銀內支領得賞給等語查三鎗雖係兵丁馬上技藝但伊犁兵丁甚多若全行操演反占工夫以致各項技藝俱不能健銳而亦多勞馬力應請如所奏辦理一據奏稱伊犁所有各色礮位每年十月演放一次照

欽定大清會典事例 卷七
例於礮位三分之中請出一分演放惟兵丁熟悉
礮位放出礮子情形使用之際方可期於得準請
嗣後演放礮位毋庸拘泥定例全行請出演放等
語查伊犁地處邊陲非內地可比每歲演放礮位
理應全行請出演放不惟兵丁得以熟悉所有礮
位放出礮子情形而倡揚演放亦於地方增添威
勢從前照內地之例三分中請出一分演放者皆
緣前任將軍等過於拘泥今應如所奏辦理惟保
寧係總統伊犁等處將軍似此地方瑣細之事自
行主張辦理尙無不可今亦作爲一事入摺具奏

稍覺繁瀆應請飭令嗣後如有此等瑣細之事毋
庸按款瀆陳惟宜酌量於地方情形公事有裨者
卽爲辦理奉

旨依議欽此

欽定四庫全書

卷十

六

<p>欽定四庫全書</p>		
---------------	--	--

